

四庫全書

經部

欽定四庫全書

經部

程氏春秋分記卷二十七至

詳校官監察御史臣李陽樞

給事中臣溫常綬覆勘

總校官原任中允王燕緒

校對官主簿臣汪日贊

謄錄監生臣曹錫齡

欽定四庫全書

春秋分記卷二十七

宋程公說撰

書九

疆理書第三


齊地總說

太公望佐文武定天下以功封於營丘號曰齊蓋古青
州地也禹貢海岱惟青州鳴夷既略濰淄其道厥土白
墳海濱廣斥萊夷作牧浮于汶達于濟舜分青州為營

州周以徐州合青州其土益大周禮職方正東曰青州
在天文玄枵之次女虛危之分辰居子宮曰寶瓶其封
域東至于海西至于河南至于穆陵北至于無棣阻渤
澥之險憑河濟之固後據千乘前倚充濮擅利魚鹽形
勢十二故太公用之而富桓公資之以霸自桓公後雖
不復霸矣然憑藉地利猶得以雄彊於諸侯太公治齊
修道術尊賢智賞有功至於今其土多好經術矜功名
舒緩闊達而足智其失則夸奢朋黨季札觀風聞齊音

曰泱泱乎大風也哉表東海者其太公乎杜佑曰青州
人情變詐皆因管仲輕重而為弊

齊地指掌之圖



齊地釋名

齊

隱三年
下同

少昊之世有爽鳩氏虞夏時有李荊湯末有逢公伯陵殷末有蒲姑氏與四國作亂成王滅之以封大公國於臨淄廣記云南郊山下有天齊淵齊之爲齊義本此

石門

釋例濟北盧縣故城西南濟水以石為門京相璠曰

盧縣故城西南六十里有故石門去水三百步盧縣
今濟南府長清縣是也廣記則以二地為在臨邑縣
按臨邑居濟南之北長清居濟南之西南長清之西
即臨邑之南二邑相近宜盧與石門在二邑間也盧
縣雖以春秋盧地得名然曰故城則春秋之盧其故
城在晉盧縣境而密近於臨邑矣

齊南
州

盧

釋例濟北盧縣故城今長清縣

艾
年六

釋例泰山牟縣東南有艾山又琅邪臨沂縣東艾亭
疑按廣記襲慶府奉符縣地有漢牟縣而九域志艾
山則屬沂州境注云春秋公會齊侯盟于艾考之輿
圖沂屬邑沂水新泰俱在奉符東南則艾山當在沂
州境矣

嬴
年桓三

漢晉爲嬴縣後廢入襲慶府萊蕪縣

穀莊七年

此年夫人姜氏會齊侯于穀昭十一年傳曰齊桓公
城穀而寘管仲于今賴馬廣記曰城中有管仲井即
同會穀之地後漢置穀城縣後廢入東阿今東平府

東阿縣東故城在焉有穀城山

或以城小穀為同
此誤也詳見內魯

蔡丘

八年
下同

廣記青州臨淄縣有蔡丘

貝丘

釋例樂安博昌縣南地名貝丘今青州壽光縣地也
又恩州治清河縣有漢貝丘地應劭曰齊侯田于貝
丘即此然考之輿地齊都臨淄壽光於臨淄為東而
貝丘則在壽光南地之相近襄公田游于斯恩州距
博州西北博蓋古聊攝之地傳謂聊攝以東言齊地
西至聊攝謂恩州為貝丘則是在聊攝外矣襄公雖
至游荒豈有自臨淄遠至於聊攝之外邪按廣記恩
州在春秋時屬齊後屬晉又水經注亦以應注事近

疎博昌即司馬彪郡國志所謂貝中聚者然則貝丘
當在壽光非恩州貝丘明矣

乾時

九年
下同

釋例時水在樂安界岐流旱即竭涸故曰乾時今青
州千乘縣有樂安城

堂阜

東莞蒙陰縣西北有夷吾亭或曰鮑叔解夷吾縛於
此因以為名今沂州新泰縣有蒙陰故城在東南堂

阜在東去州西北二百一十里

柯十三年

東平府東阿縣廣記云本齊柯邑今有阿井嘗膠以貢

陽穀僖三年

東平府陽穀縣

穆陵四年下同

沂州沂水縣穆山齊之南境在州北一百八十里

無棣

滄州無棣縣南以無棣河為名州南百七十里

鄆

二十六年

釋例濟北穀城縣西北有地名鄆下今東阿縣地有穀城縣

周首

文十一年

釋例濟北穀城縣東北有周首亭京相璠曰濟北所治盧子城故齊周首邑也今東阿縣

平州

宣元年

釋例泰山牟縣西平州鄉今奉符縣

石窳

成二年
下同

濟南府長清縣東地名石窳

莘

博州武水縣西北故莘城

華泉

濟南府歷城縣有華不注山下有泉

徐關

濟南府章丘縣故徐關城

清

十七年

大名府莘縣

平陰

襄十八年下同

東平府平陰縣

防門

釋例平陰城南北防有門今平陰縣水經注河道所

由名防門去平陰三里

廣里

傳塹防門而守之廣里水經注防門北有光里齊人
言廣音與光同即春秋廣里也

京茲

釋例平陰城東南今平陰縣東南

邽

平陰縣西有邽山

盧

東平府陽穀縣

祝柯

十九年
下同

漢晉為祝柯縣今濟南府禹城縣在府西一百三十里

高唐

釋例濟南祝阿縣西北高唐城今博州高唐縣高唐在博州之東北禹城在濟南府之西二邑相近故在博州為東北則於祝阿為西北云

重丘

二十五年

應劭曰安德縣北五十里有重丘鄉水經注故重丘

縣同盟重丘伐齊今安德府

安德德州

廩丘

二十六年

漢晉爲廩丘縣故城在濮州雷澤縣北

崔

二十七年

釋例樂安東朝陽縣西北有崔氏城東朝陽廢入臨

邑今屬濟南府

棘

昭十年
下同

子山故邑釋例齊國西安縣東有戟里亭城今西安

故城在青州臨淄縣西北

夫子

釋例濟南於陵縣西北有于亭今淄州長山縣

渠丘

十一年

臨淄縣西北後漢志齊國有蘧丘里古渠丘

聊攝

二十年
下同

博州聊城縣東北三十里攝城

遄臺

史遷曰胡公徙薄姑城內有高臺師古云武王初封
太公未得爽鳩氏地成王以益之今千乘縣

野井

二十五年

濟南府禹城縣東野井亭

夾谷

定十年下同

海州懷仁縣本祝其縣地有夾谷山

犁

哀十年
下同

釋例濟南隰陰縣今考晉地理志濟南郡有縣五無

隰陰云

輅

釋例濟南祝阿縣西有輅城今濟南府禹城縣西北

清

十一年

釋例濟北盧縣東有清亭盧縣故城在今陽穀縣西

北

博

奉符縣故博縣地

留舒

二十七年

齊救鄭及留舒違穀七里穀人不知及濮雨不涉襄
宇記在東平府須城縣曰柳舒故城

地名疑者四

黃

桓十七年

釋例闕或曰東萊黃縣非也經公子遂如齊至黃乃

復傳曰盟于黃平齊紀且謀衛故也黃在齊衛之間

申池

文十八年

釋例或曰齊城南面西頭第一門名申門齊城無池

惟此門左右有池疑

弇中

襄二十五年

釋例大山萊蕪縣西有雍瓦口谷疑

賴

哀六年

釋例或曰濟南莒縣南有屬亭疑

闕地三十有四

糕

莊二年

姑焚

八年

北杏

十三年

落姑

閔元年

夷

僖元年

鬪

十八年

鄆丘

文十六年

垂

宣八年

鞏

去齊五百里成二下同

袞婁

去齊五十里

丘輿

馬陘

東陽

襄二

郟外

三年

郵棠

二十五年

句瀆之丘

十九年下同

灑藍

棠

二十五年

邶殿

二十八年

莒

昭三年

寧風

五年

稷

年十

沛

年二十

媚

年定九

駘

哀六年
下同

父昌淳

潞

年八

郎

年十

父陵

年十一

舒州

十四年
下同

豐丘

郭關

顧

年二十一
下同


舟道

宋地總說

周成王誅武庚分其地封微子於宋蓋與東周並古荆
河豫州地也禹貢伊洛瀍澗既入于河滎波既豬導河
澤被孟豬厥土惟壤下土墳壚周禮職方河南曰豫州
在天文大火之次氐房心之分辰居卯宮曰天蝎其封域
西自蔡潁東薄沂泗北極河濟南拒長淮其中廣袤平
坦四通八達然形勢所控無名山大川之限無鴻溝巨壑
之阻而魯伺其右晉鄭掉其左衛拊其背吳楚拒其胷

陳鄭伺其翼故襄公用之不能以抗諸侯大康地記云豫
州之分其人得中和之氣其性安舒其俗阜其人和

宋地指掌之圖



宋地釋名

宋

閔元年
下同

高辛氏子閔伯所居古商丘也武王封微子啟是爲

宋國今南京應天府宋城縣

黃

釋例陳留外黃縣東有黃城外黃今廢入開封府雍
丘縣之東

部

十年
下同

單州成武縣東南部城

防

釋例高平昌邑縣西有防城昌邑今省入金鄉屬濟

州

句瀆丘

桓十
二年

興仁府乘氏縣西有二漢句陽縣故城廣記云即句

瀆之丘

興仁
曹州

衰

十五
年

宿州符離縣西南

蒙澤

莊十二年下同

拱州考城縣故蒙縣也十三州志蒙澤在縣東水經注宋萬與公爭博弒閔公於斯澤

亳

梁國有二亳

南亳今南京穀熟縣北亳今考城縣東北

梁丘

三十二年

釋例高平昌邑縣西南梁丘鄉今濟州金鄉縣穀梁

曰梁丘在曹邾之間去齊八百里

檉

僖元年

淮寧府宛丘縣西北有檉城

淮寧陳州

貫

二年

考城縣西北有貫城

葵丘

九年

開封府雍丘縣

鹿上

二十一年

順昌府汝陰縣原鹿城

順昌
潁州

緡

二十
三年

釋例高平昌邑縣東南有東緡城今濟州金鄉縣

孟諸

二十
八年

應天府虞城縣有孟諸數禹貢作孟豬

張魚
反

左傳爾

雅皆作孟諸

承匡

文十一
年下同

釋例陳留襄邑縣西承匡城今拱州襄邑縣

長丘

水經注濟瀆東逕封丘縣南在春秋為長丘馬應劭曰左傳宋敗狄于長丘獲長狄緣斯是也

新城

十四年

釋例梁國穀熟縣西有新城今應天府穀熟縣

大棘

宣二年

釋例陳留襄邑縣南有棘鄉今襄邑縣

沙隨

成十六年下同

拱州寧陵縣北沙隨亭

洧陵

寧陵縣東南二十五里洧陵城

彭城

十八年

徐州彭城縣

呂

襄元年
下同

釋例彭城呂縣今徐州地在彭城東南五十七里呂

梁洪

留

釋例彭城留縣今徐州地在彭城東五十里

犬丘

鄭子然侵宋取犬丘釋例譙國鄆縣東北有犬丘城
迂回疑今亳州鄆縣東北犬丘城於南京爲近且接
鄭境非迂回也

楊梁

十二年

水經注睢陽東南三十里有故楊梁今日陽亭也睢

陽今宋城縣

盧門

十七年

宋城南門司馬彪郡國志曰睢陽縣有盧門亭

蒙門

二十七年

宋城門

良

昭十三年

釋例下邳良城縣今淮陽軍治

鬼閭

二十一年

釋例長平縣西北有閻亭今淮寧府西華縣

橫

二十一
年下同

釋例梁國睢陽縣南有橫亭水經注在睢陽縣西南
世謂之光城蓋光橫聲相近睢陽今應天府

鴻口

梁國睢陽縣東鴻口亭今應天府有此亭

曲棘

二十
五年

釋例陳留外黃縣城中有曲棘亭今開封府雍丘縣

東

雍丘

哀九年

雍丘縣

空桐

二十六年

釋例梁國虞縣南地名空桐有桐亭今應天府虞城縣水經注空桐澤在虞城東南春秋公遊于空澤卒于連中大尹左師興空澤之士千甲奉公自空桐入如沃宮者矣然則空澤與空桐當為一也

地名疑者一

逢澤

哀十四年

釋例地理志言在滎陽開封縣東北遠疑今東京

闕地三十有二

管

隱十年
下同

老桃

稷
桓二年

虛

十二年
下同

龜

幽
莊十六年

孟

僖二十一年

洧陂

成十六年
下同

夫渠

朝邾

十八年
下同

城郛

幽丘

靡角之谷

訾母

襄十年

南里

昭二十一年下同

厨

新里

公里

赭丘

桑林之門

老丘

定十五年

城鉏

哀十一年

彌作頃丘玉暢屈戈錫

六田宋鄭之間

隙地哀十一年

鞏

十四年

連中

二十六年下同館名

沃宮

唐孟

春秋分記卷二十七

欽定四庫全書

春秋分記卷二十八

宋程公說撰


書十

疆理書第四

衛地總說

成王既黜殷命殺武庚復伐三監以殷餘民封康叔於
衛居河淇間封軫土略自武父以南及圃田之北竟取
於有閭之土以共王職取於相土之東都以會王蒐其

後文公徙居楚丘成公復居帝丘蓋古兗州亦冀州南境之交也禹貢濟河惟兗州浮于濟漯達于河浮于汶達于濟又冀州既載壺口覃懷底績至于衡漳厥土惟白壤恒衛既從大陸既作周禮職方河東曰兗州河內曰冀州在天文陬訾之次營室東壁之分辰居亥宮曰雙魚其封疆界于河濟厠居晉齊魯曹陳鄭之間故衛不能以抗大國者封疆狹小地非險固故也其俗雜數國尚儒學端而信然朝歌俗淫猶有紂之餘風存焉



衛地指掌之圖

東接魯曹

定十三年齊侯侵衛 次于垂葭實邱氏

西接晉

北

東

南

王屋山

太行山

巫山

濟源

衛封于此居河淇之間

澤野大

古商都衛

曹地

濟水

平丘

蒲

並

南

長

匡垣

瓦城

平陽

管臺

曹邑滑

文公乘從波河

野處曹地即此

黎通利

上梁黎陽

衛州東北

衛州東北

戴公廬子曹

曹國

曹地

曹國

曹國

曹國

洹水

淇水

衛水

黃河

曹邑滑

平陽

瓦城

楚丘

曹國

曹地

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

曹國

衛地釋名

衛

隱三年

故商都牧野之邑亦曰殷虛成王滅三監中分其地
以立康叔曰衛今衛州黎陽縣衛鎮

楚丘

僖二年

開德府衛南縣西南有楚丘城

開德澶州

訾婁

十八年

開封府長垣縣西北十六里訾婁城衛侯師于訾婁

即此風俗傳云長垣西北有訾婁是也

帝丘

三十一年

古顓帝之墟故曰帝丘夏后相居此夏伯昆吾亦都之故曰昆吾之墟成公自楚丘徙焉

清

隱四年

釋例濟北東阿縣東北有清亭今東平府東阿縣

垂

八年

釋例濟陰句陽縣東北有垂亭今興仁府乘氏縣

越

桓元
年

近乘氏縣

蒲

三年

釋例陳留長垣縣西南有蒲城今東京長垣縣

桃丘

十年

釋例濟北東阿縣東南有桃丘今東阿縣

莘

十六
年

大名府莘縣

首止

十八年

釋例陳留襄邑縣東南首鄉城今拱州襄邑縣東南

首鄉

鄆

莊十四年

濮州鄆城縣

曹

閔二年

滑州白馬縣即詩文公野處曹邑

鹹

僖十三年

開德府濮陽縣東有鹹城

匡

年十五

開封府長垣縣西南有匡城

宛濮

二十八年

釋例陳留長垣縣西南有宛亭近濮水今長垣縣

戚

文元年

釋例頓丘衛縣西戚城又臨阿縣東有戚城按衛縣今開德府之觀城而臨阿即觀城之隣邑觀城之西

為臨邑之東兩戚城皆衛之戚也

清丘 宣十二年

濮州臨濮縣

馬陵 成七年

大名府元城縣東南地名馬陵

阿澤 襄十四年

東平府東阿縣西南大澤

柯 十九年

大名府內黃縣東北柯城後屬晉

澶淵

二十一年

隋開皇十六年置澶淵縣唐避高祖諱改爲澶水貞觀十年省入臨河今屬開德府釋例頓丘衛縣南繁汙也衛縣今觀城縣其南境即臨河

西鄙懿氏

二十六年

釋例戚城西北有懿氏城今觀城縣地

平丘

昭十三年

釋例陳留長垣縣西南平丘城今東京長垣縣

武父

定四年

傳曰封略武父以南則武父衛之北境非河南武父也

相土之東都

釋例闕按帝丘即夏后相所都於衛為東成公自楚丘徙夢康叔曰相奪予享公命祀相帝丘為相土之東都明矣

沙
年七

經書盟于沙左傳作瑣釋例元城縣南有沙亭今屬大名府按成十二年公會晉侯衛侯于瑣澤公羊作沙澤釋例謂為闕地今以定七年沙瑣參之沙瑣二字實同名異又俱齊衛晉會盟之所則瑣澤與瑣一而已杜別瑣澤繫之闕地下非也

瓦
年八

釋例東郡燕縣東北有瓦亭今滑州胙城縣

垂葭

年十三

釋例高平鉅野縣西有郟亭今濟州鉅野縣西南郟

亭

牽

年十四

傳曰晉人圍朝歌公會齊侯衛侯于脾上梁之間杜

注脾上梁間即牽在魏郡黎陽縣東北有牽城今衛

縣東北

鐵

年哀二

釋例戚城南有鐵丘今臨河縣地

黎
年十一

衛大叔疾寘其妻娣于黎今黎陽縣昭四年傳謂商
紂為黎之蒐東夷叛之即此杜以為別是東夷國在
魏郡加以疑辭析為二焉非也

平陽

年十六

釋例東郡燕縣北平陽亭今滑州胙城縣

地名疑者二

五鹿

僖二十三年

釋例濮陽縣南三十里有五鹿城元城縣東亦有五

鹿墟

羊角

襄二十六年

釋例東郡廩丘縣治羊角城又滑州東南有羊角故

城

闕地三十有一

牧

隱五年

城濮

莊二十七年

柴澤

閔二年下同戰而又

反河則非河
南榮澤闕也

共滕別
邑

菟園
僖十八年

歛孟
二十八年
下同

襄牛

鄗

新築
成二年
下同

鞠居

鍼
六年

近關
襄十四年
下同

立宮

茅氏
二十六年
下同
戚東

鄙

圉

平壽
昭二十年
下同

死鳥

有閭之土
定四年
下同

豚澤
六年

曲濮
八年
下同

鄆澤

孟
十四年

外州
哀十一年
下同

巢

郎

少稀

藉圃

年十七

蒲

年二十五
下同

冷

城鉏

平莊之上


六年

蔡陳地總說

周武王賴闕父為陶正封其子媯滿於大昊之墟曰陳
又封叔度於蔡皆古豫州地也在天文則得鄭分野之
交其封域居宋衛鄭許之間南境接楚春秋時晉楚兵
爭陳蔡鄭許當其衝無歲不被其害鄭之國疆視三國
稍加又多賢大夫相與維持猶能植立而陳蔡與許則
岌岌自保之不暇其後蔡平侯自上蔡遷都新蔡成公
又自新蔡遷都州來二國地廣而平無名山大澤西望

外方東不及孟豬故地名見於經傳者無幾用是疆理之狹矣

蔡陳地指掌之圖
東接宋



鄭衛接北

蔡地
陳地

洧河

潁河

鳴鹿邑

陳地
縣

蕉臺

東從屬
會蔡成公自
新蔡徙此

西肥

陳地

西接鄭

濟水

洧水

辰陵
莘西

陳寧府

潁水

項城

項城

項城

汝水

廩平

房

蔡地
州

沈

新蔡

應劭曰項追陳南徙故曰南項

壺丘

胡
順昌府

潁河口

州來
壽

淮水

碓山

道

蔡

息

新

項

襄信

楚接南

東肥

蔡地釋名

蔡

隱四年

蔡州上蔡縣州北五十五里

新蔡

古呂國平侯自上蔡遷焉今蔡州新蔡縣

下蔡

故州來國楚滅之夫差時成公自新蔡遷焉今壽春

府下蔡縣

鄧

桓二年

釋例潁川召陵縣西南鄧城故城在今潁昌府鄧城

縣東

桑隧

成六年

釋例汝南朗陵縣東北桑里亭朗陵故城在今蔡州

確山縣西南

關地二

莘

莊十年

鄆陽

昭九年

陳地釋名

陳

隱三年

包犧氏都曰大昊之墟周封舜後媯滿於此爲陳國
在今淮寧府宛丘縣故陳州治也

焦

僖二十三年下同

亳州譙縣

夷

亦曰夷父及城父今亳州城父縣

壺丘

文九年

水經注汝水逕壺丘城北故陳也楚侵陳克壺丘是

也

辰陵

宣十一年

水經注京相璠曰潁川長平有故辰亭杜預曰長平

縣東南有辰亭今此城在長平城西北長平城在東

南或杜氏與傳書之誤長平今淮寧府西華縣則辰

陵當在其西北

鳴鹿

成十年

亳州鹿邑縣州西二百二十里廣記云本曰鳴鹿東漢置武平縣隋開皇十八年改爲鹿邑

關地一

大冥

哀公六年

春秋分記卷二十八

欽定四庫全書

春秋分記卷二十九

宋程公說撰

書十一

疆理書第五


鄭地總說

周宣王初封其母弟友於宗周畿內是為鄭桓公今華州鄭縣也號曰先鄭為幽王大司徒甚得周衆與東北之人問於史伯曰王室多故余安逃死史伯曰其濟洛

河潁之間乎地近虢郟君若以周難之故寄帑與賄則君之土也桓公從之後三年幽王為犬戎所殺桓公死之子武公立竟取十邑之地而國之實高辛氏火正祝融之墟號曰新鄭蓋與東周並古豫州地也其國前華後河右洛左濟食溱洧焉土陜而險山居谷汲其俗淫在天文壽星之次角亢之分辰居辰宮曰天秤其封域西聯王畿北抗晉東北並衛東近宋東南倚陳南境並楚邊邑春秋時晉楚交兵鄭無歲不被其害北從晉則

楚伐之于南南從楚則晉伐之於北至于陘為相以禮
治國晉楚之暴莫能加焉嘗考地勢雖曰荆河通達而
高山虎牢之形勢亦有險要故傳言晉悼公城虎牢而
鄭服者此也虎牢本王畿其後賜鄭倚以為國蓋在河
濟之南伊洛之東居此則晉兵之來可以禦之云

鄭地指掌之圖
東接宋



蔡接南

陳接南東

楚接南西

舉魯東南鄭地楚之統角

鄭地釋名

先鄭

華州鄭縣附見秦地圖

鄭

隱元年
下同

古有熊國黃帝所都亦為高辛氏火正祝融之墟其
後世為郟國鄭桓公始封在華州之鄭其子武公與
平王東遷乃取郟徙居焉是為新鄭今鄭州新鄭縣
得名以此

鄆

亦曰鄆陵成十六年晉敗楚于鄆陵即此六國曰安陵兩漢晉爲鄆陵縣俱屬潁川郡國朝因其名屬開封府按後漢志曰鄆陵春秋時曰鄆注曰克段于鄆晉敗楚師于鄆陵釋例亦然知其爲鄭之鄆無疑惟是漢陳留郡有曰偃縣潁川郡又有曰鄆縣潁川之鄆蓋今潁昌之鄆城是也陳留之偃則王莽所易爲順通在東漢屬梁國者是也應劭於前漢志誤以陳

留之僞爲即克段之鄆水經注據此爲正謂克段于
鄆其地在漢屬陳留杜預誤作潁川鄆陵蓋從應劭
注耳此自應誤何得云杜誤乎

制

制巖邑也號叔死焉故東號也今鄭州滎陽縣

京

叔段居之謂之京城大叔漢為京縣楚漢戰京索間
即此今滎陽縣東有京故城

廩延

釋例酸棗縣北有延津縣今屬開封府廣記載滑州
白馬縣有滑臺本鄭廩延邑其城甚固或以為疑按
酸棗在河南滑州在河北酸棗之北即滑州之南廩
延當在滑州由此濟河而南故曰延津水經注滑臺
城即鄭廩延邑下有延津

長葛

五年
下同

潁昌府長社縣北有葛城

潁昌
許州

制虎

牢

傳燕人畏鄭三軍而不虞制人亦曰北制鄭邑也有
故虎牢城周穆王獵于鄭圃獲虎命畜之名曰虎牢
其地居河洛之南蓋鄭要衝晉悼公城之而鄭服今
孟州汜水縣

枋

年八

釋例琅邪費縣東南有枋城今沂州費縣

時來

十一年
下同

釋例滎陽縣東有釐城今滎陽縣東

鄔

釋例河南緱氏縣西南有鄔聚今河南府偃師縣傳
言王取鄔劉爲邦之田于鄭

劉

釋例河南緱氏縣西北有劉亭今緱氏鎮

祭

桓十
一年

釋例陳留長垣縣東北有祭城今開封府長垣縣

武父十二年

釋例陳留濟陽縣東北有武父城今開封府東明縣

濟陽鎮

牛首十四年

開封府咸平縣有牛首城在陳留西南十一里

櫟十五年

潁昌府陽翟縣經書鄭伯突入于櫟左傳突殺檀伯而居之服虔曰守櫟大夫櫟鄭之大都宋忠曰今陽

翟也王隱曰翟本櫟也

滑

莊三年

釋例陳留襄邑縣西北有滑亭今拱州襄邑縣

大陵

十四年

京相璠曰潁川臨潁縣東北二十五里有故巨陵亭
古大陵也鄭厲公獲傅瑕於大陵即此

扈

二十三年

釋例滎陽卷縣西北有扈亭卷縣故城在今鄭州原

武縣東

桐丘

二十八年

水經洧水東南逕桐丘城西南去許昌故城可三十
五里其城南即長隄因洧水之北防西面桐丘其城
斜長而不方蓋憑丘之稱即城之名矣許昌今潁昌
府許田鎮南三十里

清

閏二年

經鄭棄其師左傳高克奔陳鄭人為之賦清人按詩

鄭國風清人刺文公也鄭氏曰清者高克所帥衆之
邑釋例滎陽中牟縣西有清陽亭今開封府中牟縣

新密

僖六年

鄭州密縣

汜

二十四年南汜

周襄王避叔帶之難出適鄭處于汜以襄王所居因
曰襄城今汝州襄城縣南汜城在焉

衡雍

二十八年下同

釋例滎陽卷縣所治栢雍城在今原武縣東

王宮

鄭州滎澤縣西北有故王城

踐土

故王宮城內東北隅有踐土臺

汜

三十年
東汜

釋例滎陽中牟縣南有汜澤今屬開封府

原圃

三十三年
下同

東京中牟縣西北七里有圃田澤一名原圃寰宇記
云其澤東西五十里南北二十六里西限長城東極
官渡上承管城縣界曹家陂又益西北流爲二十四
陂

鄆城

故鄆國新鄭縣東北有鄆城

匡
年文元

釋例潁川新汲縣東北匡城今開封府扶溝縣

垂隴二
年

釋例榮陽縣東有垂隴城今榮陽縣東隴城

狼淵九
年

潁昌府臨潁縣繁城鎮西南有狼陂水經注青陵陂
東入臨潁之狼陂

棊林
宣元年
下同

釋例榮陽宛陵縣東南有林鄉宛陵今開封府尉氏

縣地

北林

中牟縣西有林亭在鄭北水經注是亭南去新鄭故

城四十許里

邲

十二年
下同

鄭州管城縣南有古邲城晉楚戰處

管

古管國今管城縣

滎澤

滎陽縣東有滎澤

伯牛

成三年

釋例開封府雍丘縣北有伯牛城

汜祭

四年

汜水縣

蟲牢

五年

開封府封丘縣北二里桐牢亭韋昭曰古蟲牢地也

繞角

六年

汝州魯山縣南有繞角臺

鳴鴈

十六年
下同

釋例陳留雍丘縣西北有鳴鴈亭今雍丘縣水經注

今俗人尚謂為白鴈亭

制田

開封府尉氏縣制澤陂

高氏

十七年
下同

釋例河南陽翟縣西南有高氏亭今陽翟縣

曲洧

漢宣帝神雀二年置新汲縣於許之汲鄉曲洧城今扶溝縣西有漢新汲縣故城下臨洧水

郟

襄元年

襄邑縣東南有郟城

城

棣五年

釋例陳留酸棗縣西南有棣城今開封府陳留縣

陰阪

九年下同

水經注洧水東逕陰阪北水有梁焉俗謂是濟爲參
辰左傳晉伐鄭濟于陰阪次于陰口而還是也杜預
曰陰阪洧津也

陰口

近陰阪服虔曰水南曰陰口者水口也

陽陵

十年

傳曰諸侯之師還鄭至于陽陵晉與楚夾潁而軍則
陽陵在潁北也或以爲襄城武陽縣者非

向

十一年
下同

釋例潁川長社縣東北向鄉今潁昌府長社縣東北

瑣

釋例滎陽宛陵縣西有瑣候亭今尉氏縣

湛阪

十六年

水經注湛水北悉枕翼魚齒山阜山有長阪又即湛

水以名陂

汾

十八年
下同

汝州襄城縣東北汾丘城

魚陵

襄城縣魚齒山

上棘

水經注潁水過陽翟縣又逕上棘城西傳楚師伐鄭城上棘以涉潁者也陽翟縣西有故堰

雍梁

釋例河南陽翟縣東北有雍氏城今潁昌府陽翟縣

棘澤

二十四年

水經注長社縣北有稟水又東南逕棘城即傳楚子

伐鄭次于棘澤者也

黃崖

二十八年

黃水自尉氏至新鄭黃水之崖

酸棗

三十年

開封府酸棗縣

釣臺

昭四年

夏后有鈞臺之享今陽程縣有鈞臺在南

菟氏

五年
下同

菟氏城在尉氏縣西北四十里

索氏

晉地道志謂京有大索大索亭今汜水縣

園

雍丘縣南五十里傳晉韓宣子如楚鄭伯勞諸園杜

疑其路迂非迂也

皋鼬

定四年

臨潁縣繁城鎮東南有成皋亭

黃池

哀十三年下同

在戶牖西北開封府封丘縣南有黃亭

戶牖

釋例外黃縣西北東昏城外黃故城在雍丘東

犢

昭元年下同

後屬楚在漢為犢縣後廢故城在汝州魯山縣東南

郊

後屬楚潁昌府郊縣

地名疑者一

時門

昭十九年

寰宇記云拱州襄邑縣北七十五里蛟龍池鄭時門之外洧淵也按洧水在鄭國之近襄邑迂遠非是

闕地三十八

城潁

隱元年下同

潁谷

蔦

十一年下同

邗

狐壤

縹葛

年桓五

東郊

年十四

弭

莊二十一年

柯澤

年僖二十

函陵

年三十

綿訾

年文元

暴

年八

柴

年十三

條

年十七

南里

年宣三年

邲

厲

年九年

柳焚

鄆

年成三年

丘輿

年同

訾

年成十年

督揚

年十六

柯陵

年十七年下
同鄭西地

戲童

鄆

年襄七

戲

年九

梧

年十

亳城北十一年

蕭魚

濟隧

胥靡十八年

獻于

城麋二十六年

樂氏

斗城三十年

薰隧昭元年


祖六年

桂蒲之澤二十年

曹地總說

周武王封叔振鐸于曹禹貢兗州陶丘北也在天文得
宋分野之交其封域在雷夏菏澤之野昔堯游成陽死
而葬焉舜漁於雷澤民俗化其遺風重厚多君子務稼
穡薄衣食以致蓄積其封域夾於魯衛之間

曾地指掌之圖



曹地釋名

曹

桓九年

故三陵國曹都焉其後范蠡變姓名寓居於陶今廣濟軍定陶縣在興仁府東北二十里

黍丘

哀七年

釋例梁國下邑縣西南有黍丘亭今應天府下邑縣

闕地九

洮

僖八年

曹隧

襄十七年下同

重丘

鄭

昭二
十年

郊

定十
二年

揖丘

哀七
下同

大城

鍾


邗

燕地總說

召公奭佐文武定天下至成王留之相焉封其子為北
燕伯蓋古冀州北境也舜以冀州南北闊大分衡水為
并州燕以北為幽州北方幽昧故曰幽顓頊都帝丘其
地北至幽陵即此殷復省幽州入冀州周禮職方東北
曰幽州在天文析木之次尾箕之分辰居寅宮曰人馬
其境居天下北門鎖夷夏關戶右拒遼水左控忻代跨
據常山之尾襟憑負海之險然國僻且遠不通中國其

俗剛強而好勇慷慨而尚氣春秋說題辭云箕尾為燕
陰氣生俗貪利

燕地指掌之圖
東接海



北接狄

西接晉

南接晉

燕地幽

良城東

燕州幽

無終北戎之別昭元年晉敗于太原

肥州

山戎營

晉滅肥于齊燕受封于此
無終子泉

燕地薊

高是山

涿水

燕地灤

燕地涿

狼山

涿水

易水

中人鮮虞地昭十三年晉荀吳自著飛以中軍侵鮮虞及中人

中人望

濡水

濡上虞

唐河

北嶽常山

中山

唐縣

鼓城

肥並

鮮虞新樂

昭十二年納燕復于唐

南接晉

燕地釋名

燕莊三
十年

武王封帝堯之後於薊又封召公於北燕今河北化

外幽州薊縣

阪泉

僖二十五年

河北化外媯州城東

冀之北土

昭四年

古冀州也北土幽燕之屬

唐
年十二

釋例中山有唐縣都地也今中山府唐縣

闕地一

號
年昭七

秦地總說

周孝王命非子養馬汧渭間孝王分為附庸而邑之秦
號曰嬴秦今秦州有秦谷亭即秦國始封之邑至襄公
討西戎救周平王東遷王城乃以岐豐之地賜之遂有
宗周八百里之地秦德公既立卜居雍曰後世子孫將
飲馬于河以為秦都更春秋至戰國孝公乃自秦徙雍
府鳳翔後又自雍徙都宗周蓋古雍州秦雍俱屬焉禹貢
黑水西河惟雍州弱水既西涇屬渭汭漆沮既從鄠水

攸同厥土黃壤浮于積石至于龍門西河會于渭汭周
禮職方正西曰雍州在天文鶉首之次東井輿鬼之分
辰居未宮曰巨蟹其封域東阻峭函之險桃林之塞表
以大河西有隴坻之隘岐梁之地繞以汧渭南則終南
大一連岡乎蟠冢北則高陵平原踞倚乎涇洛考其初
撫封遠且僻未嘗與中國接自入春秋因得西周王畿
之地勢力強大遂與中國會盟往來交贄及戰攻相及
者晉為多蓋晉國河東境土相接且近焉故也其土曠

而腴其民義而健

金瓶梅全書

卷二十九

秦地指掌之圖

桃林塞

晋使詹嘉守之以備秦

東接南晉

桃林塞

華山

鄭州

鄭桓公始封于此子武公東徙新鄭遂屬晉

驪戎

崇

西周長安

豐北

先王織後晉地州耀

韓並少梁城

秦共公獲之更名臨晉

弱我國

王城並朝汪邑南

梁夏梁陽

傳十九年

黃河

洛水

彭衙水

秦武公伐郿我取其地置此縣

下邳

北接狄武

秦地

秦地涇州

幽國

公劉所居春秋秦地

秦德公居于雍雍之至孝公方徙焉

秦武公藏之西號

沂水

故關山

秦地

秦地雞寶

秦地郿縣

秦地盤

涇洛陽等水

秦州

秦地

渭水

西接氏羌

涇水

秦地釋名

秦

桓四年

秦谷非子始封今秦州隴成縣

雍

僖十三年

本王畿德公卜居雍孝公徙焉說者謂四面積高曰
雍宜為神明之隩故有五時以祠上帝今鳳翔府天
興縣

靈臺

僖十五年
下同

釋例始平鄠縣今京兆府鄠縣

王城

故荔戎國秦共公獲之更名臨晉以築高壘臨晉國
故曰臨晉故城在今同州朝邑縣西南而王城在東
則爲朝邑之南矣

彭衙

文二年
下同

釋例馮翊郃陽縣西北有彭城郃陽今同州郃陽縣
或云彭衙故城在今同州白水縣東北白水二漢衙

縣地也按郟陽在白水東北則衙在郟陽白水之間

汪

釋例馮翊臨晉東有故汪城在今朝邑縣南

少梁

十年

禹貢梁山蓋大梁也今同州韓城縣西少梁亦在縣界

闕地八

具囿

僖三十年

祁

文四年下同

新城

剗首

年七

麻隧

年十三
下同

侯麗

新楚

械林

年十
四年

春秋分記卷二十九